



DEMOKRATSKA FRONTA BOSNE I HERCEGOVINE

Web: www.dfsarajevo.ba

E-mail: sekretarijat@fronta.ba

MINISTARSTVO KULTURE I SPORTA

PREDMET: Zastupnička inicijativa 12. radna sjednica SKS

Upućujem inicijativu radi zaštite naše kulturne baštine i hitnog obezbjeđenja osnovnih uslova za djelovanje JU Historijski arhiv Sarajevo koji se tiče adekvatnog prostora sa svim standardima za smještaj arhivske građe koja je povjerena Arhivu na čuvanje. JU Historijski arhiv Sarajevo prikuplja i čuva dobro kulturne baštine i obzirom na njenu važnost i značaj za Kanton i BiH, pitanju uslova u kojima Arhiv radi i djeluje, kao i uslova u kojima se pohranjuje arhivska građa, mora se posvetiti posebna pažnja. Obzirom da ovo pitanje prevazilazi nadležnosti direktorice JU Historijski arhiv Sarajevo nalažem da Ministarstvo kulture i sporta uradi sljedeće:

1. Uključi i druge institucije kulture ili druge kantonalne institucije koje imaju kapacitete za izradu predmjera i predračuna potrebnih radova u svrhu pribavljanja finansijskog plana vezanog za sanaciju postojećeg objekta na Vrbanjuši, Čardodžina 90 ili za rušenje i izgradnju novog objekta na istoj lokaciji. Finansijski plan je neophodan za realizaciju ovog projekta i planiranja potrebnih aktivnosti.
2. U saradnji sa Ministarstvom za nauku, visoko obrazovanje i mlade obezbijediti novi prostor u Kampusu cca 2.000 m² koji će se koristiti kao depo za arhivsku građu koja se treba preuzeti u narednom periodu kako je propisano Zakonom o arhivskoj djelatnosti Kantona Sarajevo, obzirom da su trenutno popunjeni smještajni kapaciteti.
3. Nakon odluke vezane za pristup rješavanja statusa zgrade u ulici Čardodžina 90. potrebno je obezbijediti sredstva i pristupiti aktivnostima sanacije ili rušenja/ izgradnji novog objekta

Obrazloženje:

Zgrada u ulici Čardodžina 90. u kojoj je smještena arhivska građa nalazi se u fizički lošem stanju, sa brojnim oštećenjima usljed raznih okolnosti (slijeganja tla i slično) i kao takva ugrožava sigurnost lica i imovine, ujedno i naše nematerijalne kulturne baštine.

Građevinski fakultet Univerziteta u Sarajevu izradio je Stručni nalaz o građevinskom - konstruktivnom stanju zgrade koji potvrđuje da zgrada ne zadovoljava ni minimalne uvjete za tu namjenu, a naročito ne zadovoljava zahtjeve savremenih evropskih propisa.

Predmetna zgrada u takvom stanju zahtjeva detaljnu sanaciju i pojačanje cijelog objekta. Stručni nalaz takođe definiše izbor rušenja objekta i opciju izgradnje novog objekta uz naznaku vrijednosti objekta u kontekstu vremena nastajanja.

Zakonom o arhivskoj djelatnosti („Službene novine Kantona Sarajevo“, broj 50/16) propisan je rok predaje arhivske građe koji iznosi 30 godina, a ukoliko je arhivska građa ugrožena mora se preuzeti i ranije.

Arhivska građa Ministarstva unutrašnjih poslova Kantona Sarajevo, Općinskog suda u Sarajevu, Kantonalnog suda u Sarajevu, Kantonalnog tužilaštva u Sarajevu dospjela je na



predaju. Preuzimanje ratne građe regulisano je odredbama navedenog zakona do kraja 2021 godine.

Zbog navedenog problema smještajnog prostora Arhiv nije u mogućnosti da preuzme predmetnu arhivsku građu.

U skladu sa razvojem informacijskih tehnologija planira se digitalizacija i katalogizacija postojeće arhivske građe uz uslove za on line pristup. Uvođenjem e-uprave arhiviranje građe u nastajanju će biti regulisano posebnim propisima koji se odnose na elektronsko poslovanje.

Ukoliko se adekvatno riješi smještajni prostor prema gore navedenim smjernicama, Arhiv u budućnosti neće imati potrebu za dodatnim objektima.

U objektu se arhivira građa raznog tipa i starosti koja je od posebnog značaja za društvenu zajednicu. To je naša nematerijalna kulturna baština, naše zaštićeno kulturno dobro, trajno i pouzdano svjedočanstvo prošlosti u kontekstu historijskih, kulturnih, političkih, naučnih, tehničkih, privrednih i drugih djelovanja.

Današnja zgrada depoa Historijskog arhiva Sarajevo izgrađena je 1912. godine kao 'Gajretovo sirotište', a iza II svjetskog rata je korištena kao Đački dom, a 1989. godine je dodijeljena Historijskom arhivu Sarajevo kao depo za smještaj arhivske građe sa pravom raspolaganja.

Od 1948. godine do 1997. godine prava osnivača imao je Grad Sarajevo, a od 1997. godine ta prava je preuzeo Kanton Sarajevo, Odluka o izmjenama Odluke o preuzimanju prava osnivača JU „Historijski arhiv Sarajevo“, broj 01-05-31437/12 od 27.12.2012. godine („Službene novine Kantona Sarajevo“, broj 1/13).

Od osnivanja do sada Arhiv je preuzeo oko 11000 metara dužnih arhivske građe, među kojima se nalazi preko 650 arhivskih fondova i zbirki od kojih je 228 proglašeno nacionalnim spomenikom BiH, pokretno dobro, Odluka Komisije za očuvanje nacionalnih spomenika BiH broj 02-2-40/09-38 od 8. jula 2009. godine („Službeni glasnik BiH“, broj 1/10). Najstariji datirani dokumenti čuvaju se u okviru Orijentalne zbirke Historijskog arhiva Sarajevo i potiču iz 15. stoljeća. Arhivska građa odnosi se sa na život i razvitak, kao i na političku, kulturnu i privrednu prošlost grada Sarajeva i kao takva je naša obaveza u činjenju radi obezbjeđenja zaštite naše kulturne baštine.

U Sarajevu,

23.11.2023

Marijela Hašimbegović dia

zastupnica